



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU SNAGE EKONOMSKOG POKRETA U BOSNI I HERCEGOVINI

Broj: 03-07-6-726/17
Sarajevo, 20.04.2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Snage ekonomskog pokreta u Bosni i Hercegovini za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Snaga ekonomskog pokreta u Bosni i Hercegovini prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Snage ekonomskog pokreta u Bosni i Hercegovini za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Snaga ekonomskog pokreta u Bosni i Hercegovini se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	6.000,00	46,31
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	5.263,00	40,63
8.	Prihodi od propagande (3-g)	0,00	0,00
I	Ukupni prihodi (1-8)	11.263,00	86,94
II	Ostali prihodi i drugo	1.692,00	13,06
	Izvori finansiranja (I+II)	12.955,00	100,00

U godišnjem finansijskom izvještaju stranka je iskazala rashode u ukupnom iznosu od 7.584,00 KM.

2. PREDSTAVLJANJE POLITIČKE STRANKE

Naziv političke stranke je Snaga ekonomskog pokreta u Bosni i Hercegovini. Skraćeni naziv stranke je SEP u BiH.

Politička stranka, pod nazivom Novi ekonomski pokret u BiH je registrovana 09.03.2010. godine kod Općinskog suda Tuzla i u sudski registar upisana pod brojem: 032-0-Reg-10-000231.

Rješenjem Općinskog suda u Sarajevu, broj: 065-0-F1-11-000009 od 26.04.2012. godine, promijenjen je naziv političke stranke, sjedište stranke i imenovano je novo lice za njeno zastupanje i predstavljanje. Stranka je u registar suda upisana pod nazivom Snaga ekonomskog pokreta u Bosni i Hercegovini, sa sjedištem u Sarajevu, ulica Čekaluša broj 1.

Lice ovlašteno za zastupanje i predstavljanje političke stranke je Fadil Čerimagić, predsjednik stranke. Lice ovlašteno za podnošenje finansijskih izvještaja za 2016. godinu je, također, Fadil Čerimagić.

U godišnjem finansijskom izvještaju za 2016. godinu, Snaga ekonomskog pokreta u Bosni i Hercegovini je navela da pored središnjeg ureda stranke u Sarajevu ima Općinski odbor stranke u Gradačcu.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Snage ekonomskog pokreta u Bosni i Hercegovini za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Snage ekonomskog pokreta u Bosni i Hercegovini obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge pravnih lica, prihode iz budžeta, ostale prihode i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja ove političke stranke u periodu od 2010. do 2015. godine, nakon kojih je izdala izvještaje o pregledu sa mišljenjem revizora, nalazima revizije i preporukama stranci.

Nakon obavljenog pregleda godišnjeg finansijskog izvještaja za 2015. godinu, izdat je izvještaj o pregledu sa mišljenjem revizora, nalazima revizije i preporukama političkoj stranci: da uspostavi evidencije o svim prilogima, bez obzira na koji način ih ostvaruje, da vodi poslovne knjige u skladu sa računovodstvenim propisima, da uspostavi potpune evidencije o svojim prihodima, rashodima i obavezama i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Snaga ekonomskog pokreta u BiH nije ispoštovala date preporuke.

5. NALAZI I PREPORUKE

5.1. NALAZI

Snaga ekonomskog pokreta u Bosni i Hercegovini nije postupila u skladu sa odredbama člana 11. stav (1), člana 12. stav (1) i (4) Zakona o finansiranju političkih stranaka.

Na osnovu finansijskog izvještaja, finansijske dokumentacije koju je na zahtjev Centralne izborne komisije BiH dostavila politička stranka i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima¹, nije uspostavila potpune evidencije o svojim prihodima i rashodima² i godišnji finansijski izvještaj nije podnijela na način kako je propisala Centralna izborna komisija BiH³.

(1) Politička stranka poslovne knjige nije vodila u skladu sa računovodstvenim propisima i nije uspostavila tačne evidencije o prihodima, rashodima i obavezama stranke.

¹ U skladu sa odredbom člana 11. sta (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

² U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima.

³ U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija Bosne i Hercegovine

- Stranka je donacije fizičkih i pravnih lica u iznosu od 1.462,65 KM u poslovnim knjigama i finansijskom izvještaju evidentirala kao ostale prihode. Uvidom u finansijsku dokumentaciju, utvrđeno je da je stranka ostvarila donaciju fizičkog lica u iznosu od 580,00 KM i donacije u iznosu od 1.062,65 po osnovu otpisa pozajmica datih političkoj stranci, pa je taj prihod, u skladu sa navedenim, u poslovnim knjigama trebala iskazati kao donacije, a ne ostale prihode.
 - Stranka je u poslovnim knjigama iskazala ukupne troškove u iznosu od 1.980,88 KM, što je višestruko manji iznos od ostvarenih troškova.
Uvidom u dokumentaciju, račune dobavljača i izvode sa transakcijskih računa, utvrđeno je da stranka nije evidentirala dva računa za nabavku goriva u mjesecu oktobru, u iznosu od 1.340,01 KM i da je račune za troškove izborne kampanje, koji su stranci fakturisani u septembru i oktobru 2016. godine, u iznosu od 5.539,84 KM, u poslovnim knjigama evidentirala kao potraživanja za unaprijed plaćene troškove.
 - U poslovnim knjigama i finansijskom izvještaju stranka nije iskazala troškove zakupnine poslovnog prostora u iznosu od 1.200,00 KM. Na zahtjev Centralne izborne komisije BiH stranka je dostavila ugovor o zakupu poslovnog prostora, zaključen 15.04.2015. godine sa pravnim licem „Visa broker osiguranje“ Sarajevo, kojim je ugovorena mjesečna zakupnina u iznosu od 100,00 KM. Također, stranka nije iskazala ni obavezu prema ovom pravnom licu.
 - Stranka je izvršila i evidentirala gotovinske isplate sredstva iz blagajne za troškove goriva i putarina u iznosu od 754,86 KM⁴. Obzirom da politička stranka nema vozila u svom vlasništvu, te da su isplate izvršene fizičkim licima, iste sa poreznog aspekta imaju karakter ličnih primanja, na koja je stranka bila obavezna obračunati i uplatiti porez i doprinose, pa ih kao trošak iskazati u poslovnim knjigama i finansijskom izvještaju.
- (2) Blagajničko poslovanje stranka nije uspostavila u skladu sa važećim propisima i načelima blagajničkog poslovanja. Blagajnička dokumentacija je nepotpuna i neblagovremeno uspostavljena, odnosno stranka nije vodila dnevnik blagajne i gotovinske transakcije nije evidentirala u momentu kada su izvršene naplate u blagajnu, odnosno isplate iz blagajne.
- Stranka je prenose sredstava sa transakcijskog računa na blagajnu u iznosima od: 1.000,00 KM 2. juna, 700,00 KM 16. juna i 800,00 KM 30. juna evidentirala kao jedan ulaz sredstva u blagajnu u iznosu od 2.500,00 KM dana 30.06.2016. godine.
 - U poslovnim knjigama i blagajničkoj dokumentaciji stranka je navela da je iz blagajne izvršila isplate sredstava u iznosu od 1.399,46 KM za preuzete obaveze prema dobavljačima, za koje nema dokumentaciju, na osnovu koje se može utvrditi kome su sredstva isplaćena.

Troškovi izborne kampanje

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM⁵ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, na osnovu broja birača, Snaga ekonomskog pokreta u Bosni i Hercegovini je mogla potrošiti 13.796,00 KM.

Ova politička stranka je u finansijskom izvještaju, koji je podnijela Centralnoj izbornoj komisiji BiH, u svrhu izborne kampanje iskazala troškove u iznosu od 6.737,00 KM.

⁴ Iznos od 757,86 KM sadrži nepostojeći novčani apoen za gotovinske isplate

⁵ Član 15.10 stav 2. Izbornog zakona Bosne i Hercegovine propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se političkoj stranci Snaga ekonomskog pokreta u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o svojim prihodima i rashodima,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da blagajničko poslovanje uspostavi u skladu sa važećim propisima i načelima blagajničkog poslovanja.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić